



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**

Broj: 04-44-21/19  
Sarajevo, 11.05.2019.godine

**U P O Z O R E N J E**  
**ZA PREDUZIMANJE PREVENTIVNIH MJERA**  
**ZAŠTITE I SPAŠAVANJA OD POPLAVA**

Na osnovu meteorološke prognoze Federalnog hidrometeorološkog zavoda, platforme Evropskog centra za poplave-EFAS i drugih dostupnih platformi, postoji visok stepen vjerovatnoće da krajem ove sedmice (od 12.05. nedelja) dođe do značajnijih padavina na slivu rijeke Save, koje će trajati cijelu narednu sedmicu (12. - 18.05.). Tako, se u periodu od nedjelje (12.05.) pa sve do četvrtka (16.05.) na području Kantona Sarajevo, očekuju kumulativne padavine u prosjeku 70-100 mm.

Obzirom, na trenutno stanje blagog povećanja vodostaja na vodotocima u Kantonu Sarajevo, uz postojanje mogućnosti topljenja snijega sa okolnih planina te prognoziranih padavina – moguća je pojava izlivanja rijeka iz svojih korita, kako većih vodotoka tako i njihovih pritoka kao i pojava podzemnih voda.

Mogućnost izlivanja vodotoka postoji i najviše se odnosi na Gornji dio sliva rijeke Bosne sa pritokama, (Željeznica, Zujevina, Miljacka). U cilju sprječavanja nastajanja poplava većih razmjera, odnosno plavljenja stambenih i drugih objekata, obradivog i drugog zemljišta, oštećenja saobraćajnih komunikacija, vodovodne i komunalne infrastrukture, kao i zaustavljanja životnih tokova ovim putem preporučujemo svim pravnim i fizičkim licima da preventivno radi zaštite zdravlja i života ljudi, te materijalnih i kulturnih dobara preduzmu preventivne mjere zaštite i spašavanja od poplava, POGOTOVU UZ VODOTOKE, koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10).

**Posebno apelujemo na nadležne organe u opštinama sa područja Kantona Sarajevo, da ODMAH preduzmu sljedeće preventivne mjere zaštite i spašavanja od poplava:**

- da izvrše preglede postojećih planova zaštite i spašavanja ljudi materijalnih dobara od prirodnih i drugih nesreća (dokumente tih planova koji se odnose na zaštitu i spašavanje na vodi i pod vodom, kao i drugih prirodnih pojava - nesreća) radi utvrđivanja da li su u njima predviđene sve potrebne mjere zaštite i spašavanja od gore navedenih pojava, te izvršiti ažuriranje tih planova;






- da organizuju svakodnevno osmatranje i praćenje stanja vodotoka, objekata i terena, a za potencijalno opasna područja planiraju i organizuju provođenje odgovarajućih aktivnosti (akcije čišćenje riječnih korita, odvodnih kanala, uređivanja obala, izgradnja nasipa, preusmjeravanje vodotoka, saniranje klizišta, komunalne infrastrukture i druge potrebne mjere), kako bi se opasnosti i štetna djelovanja vode preduprijedila, te da prate stepen realizacije tih mjera i aktivnosti;
- da unaprijede saradnju nadležnih organa civilne zaštite sa vodoprivrednim društvima i pravnim licima koji upravljaju vodnim objektima, radi redovnog i vanrednog praćenja vodostaja i pravovremenog informisanja građana o nailasku plavne vodene mase, kao i drugim nosiocima zaštite i spašavanja (komunalnim i građevinskim preduzećima, kajakaškim i ronilačkim klubovima, vatrogasnim jedinicama, policijom, medicinskim ustanovama, crvenim krstom, BIHAMK-om i dr.).



**DIREKTOR**

*Samir Džihic*



web: <https://kucz.ks.gov.ba>  
e-mail: [kucz@kucz.ks.gov.ba](mailto:kucz@kucz.ks.gov.ba)  
Tel: + 387 (0) 33 257-330, 257-335  
Fax: + 387 (0) 33 257-336  
Sarajevo, Fehima efendije Čurčića 1